

Sekitar Mesyuarat Agung Dwitahunan Persisi

Haji Ya'acob dan
Haji Rahim berbicara terus-terang

Oleh SUHAIMI MOHSEN

Mula dengan debat hangat akhir dengan salam hormat

IA boleh diibaratkan, seumpama 'pertarungan antara dua pendekar' — seorang bekas presiden dan seorang lagi yang kemudian dilantik menjadi presiden.

Mereka datang, ber-bahas hangat dan kemudian menutup tirai dengan salam hormat, saling bersalaman dan bermaafan. Tidak ketinggalan ucap selamat maju jaya. *KEKILAU SILAM*

Begitulah 'babak tambahan yang menghangatkan' berlaku dalam mesyuarat agung Persekutuan Silat Singapura (Persisi) Ahad lepas. **28 OCT 1986**

Perbincangan itu adalah antara Dr Haji Ya'acob Mohamed, yang telah meletak jawatan lebih awal, dengan Haji Abdul Rahim Dayan yang ketika itu adalah Timbalan Presiden.

Dalam ucapan pembukaan mesyuarat, Haji A. Rahim menyentuh beberapa isu kontroversial.

Kegiatan

Katanya, Persisi telah diasaskan oleh empat orang termasuk dirinya dan Setiausaha Agung, Encik Johari H.M. Uriff. Setelah diminta, Haji Ya'acob kemudian bersetuju untuk menjadi Presidennya.

Sejak penubuhannya 10 tahun lalu, Persisi yang belum tahu 'berjalan' sudah dipaksa berlari kerana ketiadaan 'bapa' di dalam negeri dan 'abang long' yang meletak jawatan.

(Bapa yang dimaksudkan ialah Presiden ketika itu, Haji Ya'acob, yang sering berada di luar negeri sebagai duta dan 'abang long' pula ialah bekas Timbalan Presiden, Haji Sidek Saniff, yang telah meletakkan jawatan).

Akibatnya, semasa



● BAGAIKAN dua pendekar bertembung — bekas presiden Dr Haji Ya'acob Mohamed dan presiden baru Haji Abdul Rahim Dayan menimbulkan suasana hangat mesyuarat.